



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Clementis XII. ab Anno V. usque ad X.

Luxemburgi, 1748

CLIII. Statutum, ut Capitulum Generale Ordinis Sancti Hippoliti Mexican. de
cetero de sexennio in sexennium celebretur.

[urn:nbn:de:hbz:466:1-75393](https://nbn-resolving.org/urn:nbn:de:hbz:466:1-75393)

querimoniarum occasio tolleretur, si cautum foret, ut præfata summa quingentorum quadraginta quinque scutorum, quam dictum Monasterium Sanctæ Scholasticæ eidem Monasterio Sacri Specus annuatim contribuere teneretur, in posterum in pecunia numerata integre persolveretur, quemadmodum ex conventionem inter dilectos filios modernos Abbatem, & Cellarium Monasterii Sanctæ Scholasticæ, ac Priorem, & Monachos Monasterii Sacri Specus prædictorum inita de præfenti servaretur; Nobis propterea idem Petrus Marcellinus Episcopus Cardinalis humiliter supplicavit, quatenus in præmissis opportune providere, & ut infra indulgere de benignitate Apostolica dignaremur.

Nova determinatio prout innuitur in Rubrica.

§. 3. Nos igitur ipsius Petri Marcellini Episcopi Cardinalis votis hac in re quantum cum Domino possumus favorabiliter annuere, ac utriusque Monasterii præfati paci, & tranquillitati prospicere cupientes huiusmodi supplicationibus inclinati; quod enarrata contributio quingentorum quadraginta quinque scutorum per dictum Monasterium Sanctæ Scholasticæ eidem Monasterio Sacri Specus quotannis facienda, sicuti præmittitur, etiam in compensationem, ac ex causa, & titulo compensationis Prædiorum, Censuum, aliorumque bonorum, rerum, & iurium, quæ olim ad ipsum Monasterium Sacri Specus spectabant, dictoque Monasterio Sanctæ Scholasticæ incorporata, seu quomodolibet applicata fuerant, fieri censetur. Itaut præfatum Monasterium Sacri Specus nihil, præter, & ultra annuam contributionem huiusmodi ratione Prædiorum, Censuum, bonorum, rerum, ac iurium prædictorum ab illo Sanctæ Scholasticæ prætere, aut petere, neque illud desuper molestare, vel inquietare valeat, sed ea contributione contentum sit, ac vicissim dictum Monasterium Sanctæ Scholasticæ summam quingentorum quadraginta quinque scutorum præfatorum singulis annis in duabus solutionibus æqualibus ad præscriptum priorum literarum nostrarum omnino, & exacte pendere ac contribuere teneatur, in compensatione quoque, & ex causa, & titulo compensationis huiusmodi, nec e tali contributione ullatenus quovis prætextu, & colore se se eximere, illamve differre possit: ac insuper quod istiusmodi contributio perpetuis futuris temporibus in pecunia numerata integre fieri debeat, ipsique Abbati Priori, & Monachis Monasterii Sacri Specus, aliunde, & undecumque voluerint, panem, vinum, & oleum emere, & parare liberum sit, auctoritate Apostolica tenore præsentium statuimus, declaramus, & ordinamus.

Hujus præcepti firmitas.

§. 4. Decernentes easdem præfatas literas semper, ac perpetuo, firmas, validas, & efficaces existere, & fore, suosque plenarios, & integros effectus sortiri, & obtinere, ac illos, ad quos spectat, & pro tempore, quodcumque spectabit in omnibus, & per omnia plenissime suffragari, & ab eis respective inviolabiliter observari, sicque in præmissis per quoscumque Judices ordinarios, & delegatos, etiam causarum Palatii Apostolici Auditores, ac Sanctæ Romanæ Ecclesiæ præfatos Cardinales etiam de Latere Legatos, & alios quolibet quavis præeminentia, & potestate fungentes, & functuros; sublati eis, & eorum cuilibet, quavis aliter iudicandi, & interpretandi facultate, & auctoritate iudicari, & definiri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari, ipsique Petro Marcellino Episcopo Cardinali moderno, ac pro tempore existenti prædictæ Congregationis Casinensis apud Sedem Apostolicam Protectori harum serie injungentes, ut easdem præfatas literas executioni mandari, observari, & custodiri mandet, & faciat.

§. 5. Non obstantibus quoad ea, quæ præfatis adversantur prioribus literis nostris præfatis, ac quibusvis Constitutionibus, & Ordinationibus Apostolicis, necnon omnibus, & singulis illis, quæ in iisdem prioribus literis nostris concessa sunt, non obstat, ceterisque contrariis quibuscumque.

Datum Romæ apud Sanctam Mariam Majorem sub annulo Piscatoris die XXVIII. Februarii MDCCXXXV. Pontificatus nostri anno V.

F. Cardinalis Oliverius.

Statutum, ut Capitulum generale Ordinis S. Hippoliti Mexican. de cetero de sexennio in sexennium celebretur.

CLIII.

C L E M E N S P P . X I I .

Ad futuram rei memoriam.

§. 1. CUM sicut dilecti filii Fratres Ordinis Hospitalis S. Hippoliti Mexican. tam suo, quam ejusdem ordinis nomine nobis nuper exponi fecerunt, per Constitutiones dicti Ordinis, auctoritate Apostolica confirmatas expresse disponatur, quod illius Capitulum generale quolibet triennio celebretur, id vero cum ejusmodi ordo per diversas Americæ Regiones dilatatus sit, gravem incommoditatem afferat, ac Superior Generalis Ordinis huiusmodi visitationem suam in triennio prædicto complere nequeat, cupiantque propterea iidem exponentes opportune in præmissis a nobis provideri, & ut infra indulgeri.

Capitula Generalia quolibet triennio celebrare grave Ordini cum esset.

§. 2. Nos ipsos Exponentes specialibus favoribus, & gratis prosequi volentes, & eorum singulas personas a quibusvis &c. censentes, supplicationibus eorum nomine nobis super hoc humiliter porrectis inclinati, de venerabilium fratrum nostrorum S. R. E. Cardinalium negotiis, & consultationibus Episcoporum, & Regularium præpositorum, qui rem undique mature discusserunt consilio, ut de cetero (prædictas Constitutiones, ejusdem Cap. IV. hac in parte reformantes) Capitulum generale prædicti Ordinis hospitalarii quolibet sexennio a proximo futuro Capitulo generali quod anno proximo venturo celebrandum est, incipiendo, atque ita de sexennio in sexennium continuando celebretur, auctoritate Apostolica tenore præsentium statuimus, & ordinamus, salva tamen semper in præmissis auctoritate Congregationis eorumdem Cardinalium.

Clemens illud protrahit ad sexennium in perpetuum.

§. 3. Decernentes easdem præfatas literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & spectabit in futurum in omnibus, & per omnia plenissime suffragari, & ab eis respective inviolabiliter observari: Sicque in præmissis per quoscumque Judices, ordinarios, & Delegatos, etiam Caesarum Palatii Apostolici Auditores, iudicari, & diffiniri debere, ac irritum, & inane si secus super his a quoquam quavis auctoritate scienter, vel ignoranter contigerit attentari.

Præfatis Constitutionibus firmitas.

§. 4. Non obstant. præmissis, ac Constitutionibus, & Ordinationibus Apostolicis, nec non dicti Ordinis, etiam Juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores, præfatis pro plene, & sufficienter expressis, & ad verbum insertis habentes, illis alias in suo robore permanfuris, hac vice dumtaxat specialiter, & expresse derogamus, ceterisque contrariis quibuscumque.

Derogatio contrariarum.

1735.
Transumptis
danda fides.

Dat. die 9.
Aprilis 1735.
An. V.

CLIV.

Confirmatio Decreti Congregationis de Propaganda fide super tumulatione Cadaverum Missionariorum Regularium in Infidelium partibus exilient.

CLEMENS PP. XII.

Ad futuram rei memoriam.

Decretum
Congrega-
tionis de P.
F. super tu-
mulatione
Cadaverum
Missionario-
rum.

S. 1. **N**uper a Congregatione Ven. fratrum nostrorum S. R. E. Cardinalium negotiis Propaganda fidei praepositorum super tumulatione Cadaverum Missionariorum Ordinum Regularium in partibus Syriae, & Palestinae emanavit Decretum tenoris, qui sequitur, videlicet: Decretum Sacrae Congregationis generalis de Propaganda fide habita die 7. Febr. 1735. referente Eminentissimo, & Reverendissimo Domino, Domino Cardinali Petra Praefecto; Sacra Congregatio ad tollenda iurgia, & dissensiones, quae non raro oriri solent in partibus Syriae, & Palestinae occasione tumulationis Cadaverum Missionariorum Ordinum Regularium confirmavit, & renovavit Decreta super huiusmodi re alias edita, & praestitum anno 1692. Itemque confirmata anno 1702. -- Per quae sancitum fuit, quod deferatur private Cadaver a propriis Religiosis -- In Cameterio autem tantum adesse debeat Parochus cum Stola, & Cruce, & dicat Orationes juxta formam praescriptam in Rituali, permittendo postea ut reliquae orationes dicantur a Superiore Religionis, & per ipsum, ac suos Religiosos dari sepulturam. Praesens autem Decretum renovatorum praedictorum Decretorum eadem Sacra Congregatio praecipit notificari Superioribus Generalibus eorum Ordinum etiam Societatis Jesu, quorum Religiosi Missionariorum munus in antedictis partibus obeunt, ut ab omnibus, & quibuscumque suis respective subditis illud omnino, & inviolabiliter observari curent. Datum Romae ex aedibus ejusdem Sacrae Congregationis die 19. Martii 1735. -- V. Card. Petra Praefectus Ph. de Montibus Sec. Loco & Sigilli.

Huiusmodi
Decretum a
Pontifice
confirma-
tum.

S. 2. Cum autem, sicut dilectus filius Cherubinus de Noves Frater expresse professus Ordinis Minorum S. Francisci Capuccinorum nuncupatorum in Romana Curia Missionariorum Gallorum ejusdem Ordinis in Infidelium partibus existentium Procurator nobis subinde exponi fecit, ipse Decretum huiusmodi, quo firmiter subsistat Apostolica Confirmationis nostrae patrocinio communiri plurimum desideret. Nos specialem ipsi Cherubino gratiam facere volentes, eumque a quibuscumque excommunicationis, & interdicti, aliisque Ecclesiasticis sententiis, censuris, & poenis a Jure, vel ab homine quavis occasione, vel causa latis, si quibus quomodolibet innodatus existit, ad effectum praesentium dumtaxat consequendum harum serie absolventes, & absolutum fore censentes, supplicationibus ejus nomine nobis super hoc humiliter porrectis inclinati, Decretum praefertum auctoritate Apostolica tenore praesentium approbamus, & confirmamus, illique inviolabilis Apostolicae firmitatis robur adjicimus, salva tamen semper in praemissis auctoritate praedictae Congregationis Cardinalium.

S. 3. Decernentes easdem praesentes literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis, ad quos spectat, & pro tempore spectabit, inviolabiliter observari: Sicque in praemissis per quoscumque Judices Ordinarios, & Delegatos, etiam Causarum Palatii Apostolici Auditores judicari, & diffiniri debere, ac irritum, & inane si secus super his a quoquam quavis auctoritate scienter, vel ignoranter contigerit attentari.

S. 4. Non obstant, Constitutionibus, & Ordinationibus Apostolicis, ac quatenus opus sit quorumcumque ordinum, & aliis quibuscumque, etiam Juramento, Confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis, illorum tenores, praesentibus pro expressis habentes, illis alias in suo robore permansuris ad praemissorum effectum hac vice dumtaxat specialiter, & expresse derogamus, ceterisque contrariis quibuscumque.

Datum Romae apud S. Mariam Majorem sub Annulo Piscatoris die 13. Aprilis 1735. Pont. nostri anno V.

F. Card. Oliverius.

1735.
Praesentium
literarum fir-
mitas.

Obstantium
derogatio.

Dat. die 13.
Aprilis 1735.
An. V.

Confirmatio Brevis Urbani VIII. super declaratione quod Ordo Fratrum Minorum S. Francisci Capuccinorum per rectam lineam sine intermissione descendit a linea S. Francisci.

CLEMENS PP. XII.

Ad futuram rei memoriam.

S. 1. **E**A, quae a Romanis Pontificibus Praedecessoribus nostris pro Religiosa Christiani-fidelium divinis obsequiis sub suavi Religionis iugo mancipatorum quiete provide facta, & declarata fuisse noscuntur, ut solidiori robore persistant, Apostolici muniminis praesidio, cum id a nobis petitur, libenter constabili-mus.

S. 2. Dudum siquidem fel. rec. Urbanus PP. VIII. Praedecessor noster Fratres Ordinis Minorum S. Francisci Capuccinorum nuncupatorum fuisse, & esse ex vera, & nunquam interrupta linea, ac veros, & indubitatos Fratres dicti Ordinis S. Francisci, & illius Regulae Observatores, sub quo ipsius S. Francisci Regula militasse, & militare decrevit, & declaravit, & alias prout uberius continetur in dicti Urbani Praedecessoris literis desuper in simili forma Brevis expeditis, tenoris, qui sequitur, videlicet: Urbanus PP. VIII. Ad perpetuam rei memoriam. Salvatoris, & Domini Nostri &c. *Cetera legere est suo loco. Tom. IV. Const. LXVIII. pag. 133. Edit. Luxemb.*

S. 3. Cum autem sicut dilectus filius Bonaventura a Ferrara Minister Generalis ejusdem Ordinis Nobis nuper exponi fecit, ipse praemissa quo firmiter subsistat, & inviolabiliter serventur, Apostolica Confirmationis nostrae patrocinio communiri summopere desideret. Nos specialem ipsi Bonaventurae Ministro Generali gratiam facere volentes, eumque a quibuscumque Excommunicationis, suspensionis, & interdicti, aliisque Ecclesiasticis sententiis, censuris, & poenis a Jure, vel ab homine quavis occasione, vel causa latis, si quibus quomodolibet innodatus existit, ad effectum praesentium dumtaxat consequendum harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinati, praesentibus Urbani Praedecessoris literas, omniaque in eis contenta,

dicta

CLV.

Exordium.

Urbanus
Oclavus de-
claravit Fra-
tres Ordinis
Capuccino-
rum veros
esse Fratres
Ordinis S.
Francisci.

Urbani lite-
ras confirmat
Clemens.